

# BUDGET

## 2026 TAX GUIDE

Sesotho



# Tataiso ena ya lekgetho ke kgutsufatso ya lesedi le bohlokwahadi le mabapi makgetho, dikgafa le dilevi bakeng sa 2026/27.

## LEKGETHO LA LEKENO: BATHO KA BOMONG LE DITHRASTE

Dikgahla tsa lekgetho ho tloha ka la 1 Tlhakubele 2026 ho isa ho la 28 Hlakola 2027: Batho ka bomong le Dithraste tse Ikgethang

Lekeno le Kgethiswang (R)	Sekgahla sa Lekgetho
1 – 245 100	18% ya lekeno le kgethiswang
245 101 – 383 100	42 118 + 26% ya lekeno le kgethiswang le ka hodimo ho 245 100
383 101 – 530 200	79 998 + 31% ya lekeno le lefiswang lekgetho le ka hodimo ho 383 100
530 201 – 695 800	125 599 + 36% ya lekeno le lefiswang lekgetho le ka hodimo ho 530 200
695 801 – 887 000	185 215 + 39% ya lekeno le kgethiswang le ka hodimo ho 695 800
887 001 – 1 878 600	259 783 + 41% ya lekeno le kgethiswang le ka hodimo ho 887 000
1 878 601 le ka hodimo	666 339 + 45% ya lekeno le lefiswang lekgetho le ka hodimo ho 1 878 600

### Dinyehlisetso tsa Batho ka bomong

Tsa mantlha	R17 820
Tsa bobedi (batho ba dilemo di 65 le ho feta)	R9 765
Tsa boraro (batho ba dilemo di 75 le ho feta)	R3 249

<b>Dilemo</b>	<b>Moedi wa Lekgetho</b>
Ka tlase ho 65	R99 000
Dilemo tse 65 ho isa ho tse ka tlase ho 75	R153 250
Dilemo tse 75 le ho feta	R171 300

Dithraste (ntle le Dithraste se tse Ikgethang) sekgahla sa lekgetho = 45%

## Lekgetho la Nakwana

Molefalekgetho wa nakwana ke motho ofe kapa ofe ya fumanang lekeno leo e seng moputso, alawense kapa tjhelete e lefellowang pele ke ya mo okametseng; kapa lekeno ka tsela ya moputso ho tswa ho mongamosebetsi ya sa ngodiswang. Motho ha a angwe ke ho lefa lekgetho la nakwana ebang a sa etse kgwebo efe kapa efe mme motho ya jwalo lekeno la hae le kgethiswang:

- le sa tlo feta moedi wa lekgetho wa selemo sa lekgetho; kapa
- la tswala, di-dividente, di-dividente tsa matjhabeng, rente ho tswa khirisong ya thepa e sa tsamayeng le moputso ho tswa ho mongamosebetsi ya sa ngodiswang e tla ba R30 000 kapa ka tlase selemong sa lekgetho.

Balefalekgetho ba nakwana ba tlameha ho fana ka kakanyo ya paloyohle ya lekeno le lefellowang lekgetho bakeng sa selemo sa hlahlobo.

Mafa a ba hloka hetseng ha se karolo ya balefalekgetho ba nakwana.

### Melemo ya Kgulo ya Tjheletehadi ya Letlole la Peho ya Meja Fatshe

Lekeno le Kgethiswang (R)	Sekgahla sa Lekgetho
1 – 27 500	0% ya lekeno le kgethiswang
27 501 – 726 000	18% ya lekeno le kgethiswang le ka hodimo ho 27 500
726 001 – 1 089 000	125 730 + 27% ya lekeno le kgethiswang le ka hodimo ho 726 000
1 089 001 le ka hodimo	223 740 + 36% ya lekeno le kgethiswang le ka hodimo ho 1 089 000

Melemo ya kgulo ya tjheletehadi ya letlole la peho ya meja fatshe e kentse tjheletehadi e tswang pensheneng, polokelong ya penshene kapa letloleng la peho ya meja fatshe ka nako ya kgulo (ho akareditswe le ditaello ho latela dintlha tsa tlhalo).

Lekgetho le hodima molemo o itseng wa ho hulwa ha tjhelelehadi ya letlole la peho ya meja fatshe (bokaalo ka kakaretso ba X) bo lekana le:

- Lekgetho le sebetswa ka ho sebedisa tafole ya lekgetho ho fumana palo ya tjhelelehadi ya X, mmoho le melemo yohle ya kgulo ya tjhelelehadi ya letlole la peho ya meja fatshe e hlommeng ho tloha ka Tlhakubele 2009, melemo yohle ya kgulo ya tjhelelehadi ya letlole la peho ya meja fatshe e hlommeng ho tloha ka Mphalane 2007, mmoho le melemo yohle ya ho kgina mosebetsi e hlommeng ho tloha ka Tlhakubele 2011; ho tlositswe:
- Lekgetho le fumanweng ka ho sebedisa tafole ya lekgetho hodima bokaofela ba bokaalo ba kakaretso ba melemo yohle ya dikgulo tsa tjhelelehadi ya letlole la peho ya meja fatshe tse bokelletsweng pele ho bokaalo ba kakaretso ba X ho tloha ka Tlhakubele 2009, melemo yohle ya tjhelelehadi ya letlole la peho ya meja fatshe e hlommeng ho tloha ka Mphalane 2007, mmoho le melemo yohle ha ho itokolla mosebetsing e bokelletsweng ho tloha ka Tlhakubele 2011.

### Melemo ya Kgulo ya Tjhelelehadi ya Letlole la Peho ya Meja Fatshe kapa Melemo ya Tlohelo ya Mosebetsi Pele ho Nako

Lekeno le Kgethiswang (R)	Sekgahla sa Lekgetho
1 – 550 000	0% ya lekeno le kgethiswang
550 001 – 770 000	18% ya lekeno le kgethiswang le ka hodimo ho 550 000
770 001 – 1 155 000	39 600 + 27% ya lekeno le kgethiswang le ka hodimo ho 770 000
1 155 001 le ka hodimo	143 550 + 36% ya lekeno le kgethiswang le ka hodimo ho 1 155 000

Melemo ya tjhelelehadi e kentse bokaalo ho tswa pensheneng, polokelong ya penshene, polokelo ya letlole la peho ya meja fatshe ka nako ya lefu, peho ya meja fatshe kapa phediso ya mosebetsi ka lebaka la ho fihla dilemong tse 55, ka lebaka la bokulo, kotsi, temalo, ho hloleha ho phetha mosebetsi, boemo ba ho se hlole ho hlokeha ditshebeletso tsa hao kapa phediso ya kgwebisano ya mongamosebetsi.

Melemo ya ho dihela mosebetsing e kentse ditjhelelehadi tse tswang kapa tseo ho ya ka ditlhophiso le mongamosebetsi ka lebaka la tlohelo, phediso, tahlehelo, ho nena ho hlakolwa kapa tlhophisobotjha ya ofisi ya motho kapa khiri.

Lekgetho le hodima molemo o itseng wa tjelelehadi ya letlole la peho ya meja fatshe kapa molemo wa ho dihela mosebetsing (bokaalo ka kakaretso kapa molemo wa ho dihela mosebetsing wa Y) o lekana le:

- Lekgetho le fumanweng ka ho sebedisa tafole ya lekgetho hodima bokaofela ba bokaalo ba kakaretso ba Y mmoho le melemo yohle e meng ya ditjelelehadi tsa letlole la peho ya meja fatshe tse bokelletsweng ho tloha ka Mphalane 2007 mmoho le melemo yohle ya dikgulo tsa ditjelele tse bokelletsweng ho tloha ka Tlhakubele 2009 mmoho le melemo yohle ha ho dihela mosebetsing e bokelletsweng ho tloha ka Tlhakubele 2011; ho tlositswe
- Lekgetho le fumanweng ka ho sebedisa tafole ya lekgetho hodima bokaofela ba bokaalo ba kakaretso ba melemo yohle ya letlole la peho ya meja fatshe e hlommeng pele ho bokaalo ba kakaretso ba Y ho tloha ka Mphalane 2007, le melemo yohle ya kgulo ya tjelelehadi ya kakaretso tsa letlole la peho ya meja fatshe e hlommeng ho tloha ka Tlhakubele 2009, mmoho le melemo yohle ha ho dihela mosebetsing e hlommeng pele ho molemo wa ho dihela mosebetsing wa Y ho tloha ka Tlhakubele 2011.

### **Matsete a sa lefisweng lekgetho**

Matsete disebedisweng tsa ditjelele tse sa lefisweng lekgetho kapa dipholising tsa batho ka bomong, mafeng a ba hlokaletseng, mmoho le mafeng a tjhonneng a batho ka bomong ba bona a na le moedi wa R46 000 selemo ka seng sa lekgetho.

Bokaalo bo fumanweng kapa bo hlommeng ho tswa botseteding bo sa lefisweng lekgetho ha bo angwe ke lekgetho la lekeno (ho akareditswe le kuno e entsweng ka mora thekiso ya dithoto).

### **Di-dividente**

Di-dividente tse fumanweng ke batho ka bomong ho hlaha dikhampaning tsa Afrka Borwa, ka kakaretso ha di angwe ke lekgetho la lekeno empa lekgetho la di-dividente la sekgahla sa 20% le hulwa ke ditheo tse lefang di-dividente tsena ho batho ka bomong ba bona. Di-dividente tse fumanweng ke batho ka bomong jwalo ka baahi ba Afrika Borwa ho tswa ho REIT (dikhampani tse nang le meaho/thepa tse ngodisitsweng le tse tsamaiswang ka molao) di lokela ho lefa lekgetho la lekeno mme bao e seng baahi mme ba fumana di-dividente tse jwalo, ba angwa feela ke ho lefa lekgetho la di-dividente.

## Di-dividente tsa Matjhabeng

Boholo ba di-dividente tsa matjhabeng tse fumanweng ke batho ka bomong ho tswa dikhampaning tsa matjhabeng (moo seabo sa bona khampaning ena ya matjhaba se leng ka tlase ho 10%) di lefiswa lekgetho la sekgahla sa ho fihla ho 20%. Ha ho dikgulo tse dumelletsweng bakeng sa ditshenyehelo tsa ho hlahiswa ha di-dividente tsa matjhabeng.

## Ho se amehe ho mabapi le tswala

Ho se amehe ho tswa lekgethong la lekeno le ama tswala ho tswa mohloding wa Afrika Borwa o fumanweng ke motho ho ya ka tlhaho ya tlase ho dilemo tse 65, kapa ke lefa la motho ya hlokaletseng la ho fihla ho R23 800 ka selemo. Bakeng sa batho ba dilemo tse 65 le ho feta, ho se amehe hona ho ama tswala ya ho fihla ho R34 500 ka selemo.

Ho se amehe hona ho boela ho ama tswala e fumanweng ke bao e seng baahi bao e leng hore ha ba yo ka seqo Afrika Borwa nakong ya matsatsi a fetang 183 dikgweding tse 12 pele tswala e hloma kapa e fumanwa. Hodima moo, ho se amehe hona ho sebetsa feela moo sekoloto se nang le tswala se sa amananeng ka ho phethahala le sebaka sa ho ya ho ile (se kang sebaka se tsepameng sa kgwebo) se Afrika Borwa.

## Dikgulo

### *Dikabelo tsa Letlole la Peho ya meja fatshe*

Bokaalo bo lefilweng pensheneng, matloleng a peho ya meja fatshe ka nako ya selemo sa hlahlobo bo ka kgona ho hulwa ke ditho tsa matlole a jwalo. Bokaalo bo nyehetsweng ke beng ba mesebetsi mme bo lefisitswe lekgetho jwalo ka melemo ya mosebetsing bo nkuwa e le dikabelo tsa mosebetsi ka mong.

Kgulo e na le moedi wa 27.5% ya boholo ba bokaalo ba moputso bakeng sa tse mabapi le lekgetho la basebetsi, kapa lekeno le lefiswang lekgetho (ka bobedi di sa kenyeletsa ditjhelehadi tsohle tsa letlole la peho ya meja fatshe le melemo ya ho dihela mosebetsing). Kgulo e boela e na le moedi o trasana ho R430 000 kapa 27.5% ya lekeno le lefiswang lekgetho, pele ho kenngwa kuno ya tjhelete e lefiswang lekgetho.

Dikabelo dife kapa dife tse fetang meedi di nkelwa pele hanghang ho ya selemong se latelang sa hlahlobo mme di nkuwa e le tse tlang ho nyehelwa selemong seo se latelang. Bokaalo bo nkelwang pele bo fokotswa ke dikabelo tse tswang bokaalong ba tjhelete ka kakaretso ya letlole la peho ya meja fatshe.

#### *Ditshenyehelo tsa kalafo le boqhwala*

Ho fumana lekgetho le lokelang ho leshwa, batho ka bomong ba ka hula nyehlisetso ho itshetlehlilwe hodima dikabelo tsa kgwedi ka nngwe tsa dikema tsa kalafo. Nyehlisetso e ka sebediswa feela ke motho ya lefileng dikabelo tsa ho fihla ho R376 bakeng sa batho ba babedi ba pele ba akareditsweng ke dikema tseo tsa kalafo, le R254 bakeng sa moitshetlehi ka mong wa tlatsetso. Nyehlisetso ena e bitswa khrediti ya ditefiso tsa sekema sa kalafo.

Nyehlisetso e nngwe e boelang e fumaneha bakeng sa ditshenyehelo tsa kalafo ke ditefiso tsa tlatsetso tsa khrediti ya lekgetho la kalafo. Ebang moo:

- Motho ya dilemo tse 65 le ho feta, kapa motho ka bomong, molekane wa hae, kapa ngwana wa hae e le motho ya qhwadileng, 33.3% ya paloyohle ya ditshenyehelo tsa kalafo tse amehang tse lefilweng ke motho eo mmoho le bokaalo bo lefilweng ke yena ho sekema sa kalafo e le dikabelo mme bo feta dikhrediti tsa ditefiso tsa sekema sa kalafo makgetlo a mararo bakeng sa selemo seo sa lekgetho; kapa
- Motho ofe kapa ofe e mong, 25% ya bokaalo bo lekanang le paloyohle ya ditshenyehelo tsa kalafo tse amehang tse lefilweng ke motho eo mmoho le bokaalo bo lefilweng ke yena ho sekema sa kalafo e le dikabelo mme bo feta dikhrediti tsa ditefiso tsa sekema sa kalafo makgetlo a mane bakeng sa selemo seo sa lekgetho; empa ho itshetlehlilwe hodima moedi wa bokaalo o sa feteng 7.5% wa lekeno le lefiswang lekgetho (ho sa kenyeletswa ditefo tsa tjhelete yohle ya letlole la peho ya meja fatshe le melemo ya ho tlohela mosebetsi pele ho nako).

## **Dinyehelo**

Dikgulo tse mabapi le dinyehelo tse etsetswang mekgatlo e itseng e tswelang setjhaba molemo di na le moedi wa 10% wa lekeno le kgethiswang (ho sa kenyeletswa ditefo tsa tjheletehadi ya letlole la peho ya meja fatshe le melemo ya teng). Bokaalo ba dinyehelo bo sa feteng 10% ya lekeno le kgethiswang bo nkuwa e le nyehelo e etsetswang mekgatlo e amehang e tswelang setjhaba molemo ka selemo se latelang sa lekgetho.

## Dialawense

### *Dialawense tsa tshehetso le tjhelete e lefellowang pele*

Moo moamohedi wa tshehetso kapa tjhelete e lefellowang pele a tlameha ho sesa bonnyane bosiu bo le bong hole le lehae la hae kapa bodulo ba hae ba tlwaelo ka lebaka la kgwebo mme phumantsho ya bodulo bo jwalo bo angwa ke alawense kapa tjhelete e lefellowang pele bo le ka hara Rephablike ya Afrika Borwa mme alawense kapa tjhelete eo e lefellowang pele e fumaneha ho lefella:

- Dijo le ditjeo tse amanang le tseo, bokaalo ba R595 ka letsatsi bo nkuwa e le bo sebedisitsweng; kapa
- Ditjeo tse amanang le tseo feela, bokaalo ba R184 ka letsatsi bo nkuwa e le bo sebedisitsweng.

Moo bodulo boo alawense kapa tjhelete e lefellowang pele bo amanang le bona bo le ka ntle ho Rephablike ya Afrika Borwa, bokaalo bo itseng ho ya ka naha ka nngwe bo nkuwa e le bo sebedisitsweng. Dintlha tsa bokaalo bona di phatlalastwa websaeteng ya SARS ([www.sars.gov.za](http://www.sars.gov.za)), tlasa Legal Counsel (Keletso ya Molao) / Secondary Legislation (Molao wa Bobedi) / Income Tax Notices webpages (maqepheng a websaete a Ditsebiso tsa Lekgetho [sars.gov.za](http://sars.gov.za)).

Moo moamohedi ka lebaka la mosebetsi wa hae kapa wa ofisi kapa khiri a tlamehang ho sesa karolo ya letsatsi hole le sebaka sa hae sa tlwaelo sa mosebetsi, pusetso kapa tjhelete e lefellowang pele bakeng sa ditshenyehelo tseo a bileng le tsona ha di ameha. Ho se ameha hona ho sebetsa ebang moamohedi a dumelletswe sena ke mookamedi wa hae hore a be le ditshenyehelo tsa dijo le ding tse ka etsahalang feela bakeng sa karolo eo ya letsatsi mme bokaalo ba dipusetso bo sa fete R184.

### *Alawense ya Maeto*

Dikgahla tsa kilomitara ka nngwe, tse ka sebediswang ho fumana kgulo e dumellehileng ya maeto a kgwebo papisong le alawense kapa tjhelete e lefellowang pele moo ditshenyehelo tsa nnete di sa tsekwang, di fumanwa ka ho sebedisa tafole ena e latelang.

<b>Boleng ba sepalangwang (ho kenyeleditswe le VAT) (R)</b>	<b>Ditjeo tse tsepameng tsa kilomitara ka nngwe (R p.a)</b>	<b>Ditjeo tsa mafura (c/km)</b>	<b>Ditjeo tsa tlhokomelo (c/km)</b>
0 – 115 000	38 344	132.9	49.1
115 001 – 230 000	68 487	148.4	61.4
230 001 – 345 000	98 689	161.2	67.8
345 001 – 460 000	125 393	173.4	74.0
460 001 – 575 000	152 097	185.5	86.9
575 001 – 690 000	180 078	212.8	102.0
690 001 – 805 000	208 106	216.5	114.5
805 001 – 920 000	237 679	220.1	126.9
tse fetang 920 000	237 679	220.1	126.9

#### Hlokomela:

- 80% ya alawense ya maeto e tlameha ho kenyeletswa moputsong wa mosebetsi molemong wa ho sebetsa palo ya PAYE. Phesente e fokoletswa ho 20% ebang mongamosebetsi a kgotsofetse hore 80% ya tshebediso ya sepalangwang seo bakeng sa selemo sa lekgetho e tla ba mabakeng a kgwebo.
- Ha ho ditshenyehelo tsa mafura tse lokelang ho dumellwa ebang mosebetsi a sa jara boikarabelo bohle ba ditjeo tsa mafura a sebedisitsweng sepalangweng mme ha ho ditshenyehelo tsa tlhokomelo tse lokelang ho tsekwa ebang mosebetsi a sa jara boikarabelo bohle ba tlhokomelo ya sepalangwang (mohlala: ebang sepalangwang se le tlasa moralo wa tlhokomelo).
- Ditshenyehelo tse tsepameng di tlameha ho fokotswa ka ho lekalekana (ka dikoto) ebang sepalangwang se sebediseditswe tsa kgwebo nako e sa feteng selemo se tletseng.
- Sebaka sa nnete se tsamailweng ka selemo sa lekgetho mmoho le sebaka se tsamailweng bakeng sa mabaka a kgwebo tse pakahatswang ke bukana ya maeto, di sebediswa ho fumana ditshenyehelo tse ka tsekwang ho alawense ya maeto.

Ka nqa e nngwe, moo alawense kapa tjhelete e lefellowang pele e itshetlehleng hodima sebaka sa nnete se tsamailweng ke mosebetsi bakeng sa kgwebo, ha ho lekgetho le lokelang ho leshwa hodima alawense e lefilweng ke mongamosebetsi ho mosebetsi ho ya ho fihla ho R4,95 kilomitara ka nngwe, ho sa natswe boleng ba sepalangwang.

Le ha ho le jwalo, mokgwa ona o mong ha o fumanehe ebang matshediso a mang a sebopehong sa alawense kapa pusetso (ntle le a ditefiso tsa ho paka kapa tsa di -toll) di fumanwe ho tswa ho mongamosebetsi bakeng sa sepalangwang.

## Dikgulo tse ding

Ntle le dikgulo tse boletsweng ka hodimo, motho a ka etsa tseko ya dikgulo feela papisong le lekeno la khiri kapa alawense mabakeng a itseng a ikgethang, mohlala, dikolotong tse mpe tse mabapi le moputso.

### Melemo ya Mosebetsing

#### *Dipalangwang tsa mongamosebetsi*

- Boleng bo lefiswang lekgetho ke 3.5% ya ditjeo tsa tjhelete, ho akareditswe le VAT, bakeng sa sepalangwang ka seng, kgwedi ka nngwe.
- Moo sepalangwang:
  - » se amehang ho tse mabapi le moralo wa tlhokomelo nakong eo mongamosebetsi a se fumanang, boleng bo lefiswang lekgetho ke 3.25% ya boleng bo fumanweng; kapa
  - » Se fumanweng ke mongamosebetsi se leng ka tlasa lisi ya tshebetso, boleng bo lefiswang lekgetho ke ditjeo tseo mongamosebetsi a bileng le tsona ka tlasa lisi ya tshebetso mmoho le ditjeo tsa mafura.
- 80% ya molemo wa mosebetsing e tlameha ho kenyeletswa moputsong wa mosebetsi molemong wa ho sebetsa palo ya PAYE. Phesente e fokoletswa ho 20% ebang mongamosebetsi a kgotsofetse hore 80% ya tshebediso ya sepalangwang seo bakeng sa selemo sa lekgetho e tla ba mabakeng a kgwebo.
- Nakong ya hlahlobo, molemo wa mosebetsing bakeng sa selemo sa lekgetho o fokotswa ke palohare ya sebaka se tsamaetsweng mabaka a kgwebo ka pakahatso ya bukana ya maeto, o arotsweng ka sebaka sa nnete se tsamailweng selemong sa lekgetho.
- Nakong ya hlahlobo ho sa na le kimollo e nngwe ya ditjeo tsa laesense, inshoreense, tlhokomelo le mafura a maeto a praevete — ebang ditjeo ka botlalo tsa tsena e bile tsa mosebetsi mme ebang sebaka se tsamaetsweng mabaka a praevete se pakahatswa ke bukana ya maeto.

#### *Dikadimo tse se nang tswala kapa tsa tswala e tlase*

Phapang pakeng tsa tswala e lefiswang ho latela sekgahla sa semmuso mmoho le bokaalo ba nnete ba tswala e lefiswang, e tlameha ho kenyeletswa lekeno la sekolokoto.

## Bodulo

Boleng ba molemo wa mosebetsing bo tlang ho kenngwa sekolokotong sa lekeno ke molemo o ka tlase ho o sebeditsweng palo ka ho sebedisa fomula e behilweng kapa ditjeo tsa mongamosebetsi ebang mongamosebetsi a se na thuo e felletseng ya bodulo boo.

Fomula e tla sebetsa ebang bodulo e le ba mosebetsi empa sena ha se sebetse bodulong ba matsatsi a phomolo bo hirilweng ke mongamosebetsi ho tswa ditheong tse sa amananeng le yena.

## LEKGETHO LA LEKENO: DIKHAMPANI

Sekgahla sa lekgetho sa dikhampani se sebetsa dilemong tsa hlahlobo tse felang letsatsing lefe kapa lefe ho tloha ka la 1 Mmesa 2026 ho isa ho la 31 Tlhakubele 2027.

Mofuta	Sekgahla sa Lekgetho
Dikhampani	27% ya lekeno le lefswang lekgetho

## LEKGETHO LA LEKENO: DIKOPORASI TSA DIKGWEDO TSE NNYANE

Dikgahla tsa lekgetho bakeng sa Dikoporasi tsa Dikgwebo tse Nnyane di sebetsa dilemong tsa hlahlobo tse felang letsatsing lefe kapa lefe ho tloha ka la 1 Mmesa 2026 ho isa ho la 31 Tlhakubele 2027.

Lekeno le Kgethiswang (R)	Sekgahla sa Lekgetho (R)
1 – 99 000	0% ya lekeno le kgethiswang
99 001 – 365 000	7% ya lekeno le lefswang lekgetho le ka hodimo ho 99 000
365 001 – 550 000	18 620 + 21% ya lekeno le kgethiswang le ka hodimo ho 365 000
550 001 le ka hodimo	57 470 + 27% ya bokaalo bo ka hodimo ho 550 000

## LEKGETHO LA TJHELETE E KENENG LA DIKGWEDO TSE NNYANE-NNYANE

Lekgetho la Tjhelete e keneng le ama batho ka bomong ho tloha ka la 1 Mmesa 2026 ho isa ho la 28 Tlhakubele 2027 mme dilemo tsa hlahlobo tsa dikhampani tse felang ka letsatsi lefe kapa lefe ho tloha ka la 1 Mmesa 2026 ho isa ho la 31 Tlhakubele 2027.

Tjhelete e keneng e tlang ho kgethiswa (R)	Sekgahla sa Lekgetho (R)
1 – 600 000	0% ya tjhelete e keneng e tlang ho kgethiswa
600 001 – 950 000	1% ya tjhelete e keneng e tlang ho ba ka hodimo ho 600 000
950 001 – 1 400 000	3 500 + 2% ya tjhelete e keneng e tlang ho ba ka hodimo ho 950 000
1 400 001 le ka hodimo	12 500 + 3% ya tjhelete e keneng e tlang ho kgethiswa e ka hodimo ho 1 400 000

## TEFISO YA LEKGETHO E ITSHETLEHILENG HODIMA BODULO

Baahi ba lefiswa lekgetho ho latela lekeno la bona la lefatshe ka bophara, sena se itshetlehile hodima mekgelo e itseng. Ka tlwaelo makgetho a matjhabeng hodima lekeno le fumanweng matjhabeng a dumella/ananelwa e le khrediti eo lekgetho la Afrika Borwa le tlang ho leshwa ho ona. Sena se ama batho ka bomong, dikhampani, dikoporasi tse kwetsweng, dithraste le mafa.

## HO LEFISWA LEKGETHO HA KUNO E ENTSWENG KA MORA THEKISO YA DITHOTO (CGT)

Kuno ya tjhelete ka mora ho tlohelwa ha thepa le yona e akaretswa lekenong le kgethiswang.

### **Boholo ba sekgahla sa lekgetho se felletseng le se sebetsang ka ho phethahala**

Batho ka bomong le dithraste tse ikgethang	18%
Dikhampani	21.6%
Dithraste tse ding	36%

Diketsahalo tse qholotsang tlohelo di kentse thekiso, nyehelo, phapanyetsano, tahlehelo, lefu le bofalli. Tse latelang ke e meng ya mekgelo e itseng:

- Kuno kapa tahlehelo ya R2 million e fumanweng ha ho ne ho tlohelwa bodulo bo ka sehloohong;
- Boholo ba thepa e sebedisetswang ditlhoko tsa motho ka boyena;
- Melemo ya peho ya meja fatshe;
- Ditefo tse mabapi le dipholisi tsa sethatho tsa inshoreense ya nako e telele;
- Ho se akaretswe ha selemo ka seng hwa kuno ya tjhelete ya R50 000, kapa tahlehelo ya tjhelete, e fuwang batho ka bomong le dithraste tse ikgethang;
- Ho se akaretswe ha dikgwebo tse nnyane kunong ya tjhelete e kana ka R2.7 million bakeng sa batho ka bomong (bao ka bonnyane ba leng dilemo tse 55) ka nako eo kgwebo e nnyane ya boleng bo sa feteng R15 million e neng e tlohelwa ka yona; le
- Ho se akaretswe ha selemo ka seng bakeng sa batho ka bomong ho ekeditswe ho fihlela ho R300 000 selemong sa lefu.

## LEKGETHO LA DI-DIVIDENTE

Lekgetho la di-dividente ke lekgetho la makgaolakgang la sekgahla sa 20% hodima di-dividente tse lefilweng ke dikhampani tseo e leng baahi mmoho dikhampani tseo e seng baahi ha ho tluwa ho diabo tse lenaneng la *Johannesburg Stock Exchange* kapa diphapanyetsanong tse ding tse nang le laesense Afrika Borwa. Di-dividente ha di angwe ke lekgetho ebang monga tsona e le khampani ya Afrika Borwa, letlole la peho ya meja fatshe kapa motho e mong ya sa angweng. Beng ba di-dividente bao e seng baahi ba ka kgola molemo ho tswa dikgahleng tse fokoditsweng lekgetho tlasa boemo bo itseng bo nang le moedi. Lekgetho la di-dividente le lokela ho tshwarwa ke dikhampani tse lefang lekgetho la di-dividente, kapa ke bakenadipakeng ba molaong moo di-dividente di leng diabong tse lenaneng. Lekgetho hodima di-dividente ka mokgwa o mong (ntle le ka tjhelete) le lokela ho leshwa mme le jarwa ke khampani e tsebahatsang le ho lefa dividente ena.

## MAKGETHO A MANG A TSHWARANG

Ka sewelo sekgahla se sebetsang sa lekgetho se ka fokotswa ho latela dintlha tsa tumellano ya semmuso le naha ya bodulo le eo e seng moahi.

### Diroyalithi

Lekgetho la makgaolakgang la sekgahla sa 15% le kenngwa hodima bokaalo bohle ba diroyalithi ho tswa mohloding wa Afrika Borwa o leshwang bao e seng baahi.

### Tswala

Lekgetho la makgaolakgang la sekgahla sa 15% le kenngwa hodima tswala e tswang mohloding wa Afrika Borwa o leshwang bao e seng baahi. Tswala ha e angwe ebang e leshwa ke boemo bofe kapa bofe ba mmuso wa Afrika Borwa kapa banka, kapa ebang sekoloto se le lenaneng la phapanyetsano e ananetsweng.

### Bathabisi ba matjhabeng le boradipapadi

Lekgetho la makgaolakgang la sekgahla sa 15% le kenngwa hodima bokaalo ba sekolokoto bo leshwang bao e seng baahi bakeng la diketsahalo tse entsweng ke bona Afrika Borwa jwalo ka bathabisi kapa boradipapadi.

## Tlohelo ya thepa e sa tsamayeng

Lekgetho la nakwana le tshwarwa boemong ba morekisi wa thepa e sa tsamayeng eo e seng moahi wa Afrika Borwa hore e tle e tsebe ho kwala sekgeo sa sekoloto se tiwaelehleng sa lekgetho bakeng sa bao e seng baahi. Lekgetho le tlang ho tshwarwa ho tswa ditefong tsa bao e seng baahi le sekgahleng sa 7.5% bakeng sa motho ka bomong eo e seng moahi, 10% bakeng sa khampani eo e seng moahi le 15% bakeng sa therasete eo e seng moahi e rekisang thepa e sa tsamayeng.

## MAKGETHO A MANG, DIKGAFI LE DILEVI

### Lekgetho la Boleng bo ekeditsweng (VAT)

VAT e lefiswa ho latela sekgahla sa 15% hodima phepele ya dithoto le ditshebeletso ke barekisi ba ngodisitsweng.

Morekisi ya etsang phepele e lefisiwang lekgetho e fetang R2.3 million ka selemo o tlameha ho ingodisetsa VAT. Morekisi ya etsang phepele e lefisiwang lekgetho e fetang R120 000 empa e sa fete R2.3 million ka selemo, a ka etsa kopo ya ho ingodisa ka boithaopi. Diphepele tse itseng di angwa ke sekgahla sa ha ho letho (zero) kapa ha di angwe ke tefo ya VAT.

### Kgafa ya Phetiso

Kgafa ya Phetiso e leshwa ka dikgahla tse latelang hodima ditransekshene tsa matlo tse sa angweng ke VAT:

<b>Boleng ba thepa/ntlo (R)</b>	<b>Sekgahla</b>
1 – 1 210 000	0% ya boleng
1 210 001 – 1 663 800	3% ya boleng bo ka hodimo ho R1 210 000
1 663 801 – 2 329 300	R13 614 + 6% ya boleng bo ka hodimo ho R 1 663 800
2 329 301 – 2 994 800	R53 544 + 8% ya boleng bo ka hodimo ho R 2 329 300
2 994 801 – 13 310 000	R106 784 + 11% ya boleng bo ka hodimo ho R2 994 8000
13 310 001 le ka hodimo	R1 241 456 + 13% ya boleng bo fetang R13 310 000

## **Kgafa ya Mafa**

Kgafa ya mafa e lefiswa hodima matlo a baahi mmoho le ntlong ya Afrika Borwa eo beng ba yona e seng baahi ho ntshitswe dikgulo tse dumellehang. Kgafa e lefiswa ho latela boleng bo kgafiswang ba lefa ka sekgahla sa 20% hodima R30 million ya pele le ka sekgahla sa 25% ho bo ka hodimo ho R30 million.

Ho dumelletswa kgulo ya motheo ya tjelete e kana ka R3.5 million sekolong sa lefa e le kgafa ya thekiso ya lefa hammoho le dikgulo tsa dikoloto, tse nyehetsweng mekgatlo e tswelang setjhaba molemo mmoho le ntlo e sietsweng balekane ba ntseng ba phela.

## **Lekgetho la Dinyehelo**

Lekgetho la dinyehelo le lefiswa ho latela sekgahla se bataletseng sa 20% hodima boleng bo hlommeng ba thepa eo ho nehelanweng ka yona haesale ho tloha ka la 1 Tlhakubele 2018, e sa feteng R30 million, mme ka sekgahla sa 25% hodima boleng bo hlommeng ba thepa eo ho nehelanweng ka yona haesale ho tloha ka la 1 Tlhakubele 2018, bo sa feteng R30 million.

R100 000 ya pele ya thepa eo ho nehelanweng ka yona selemo ka seng ke motho ka tlhaho ha e angwe ke lekgetho la dinyehelo.

Moo molefalekgetho e seng motho ka tlhaho, dinyehelo tse sa angweng di na le moedi o fellang dinthong tse kang dimphong tseo kaofela ha tsona di sa feteng paloyohle ya R20 000 selemong ka seng sa lekgetho.

Diphetisetso tsa tjelete/ntlo pakeng tsa balekane, moo moamohedi e leng moahi wa lekgetho; dinyehelo tse pakeng tsa dikhampani tseo e leng karolo ya sehlopha sa dikhampani tsa Afrika Borwa; mmoho le dinyehelo tse lebang mekgatlong e itseng e tswelang setjhaba molemo ha di angwe ke lekgetho la dinyehelo.

## **Lekgetho la Phetiso ya Disekhurithi**

Lekgetho la phetiso ya disekhurithi le lefiswa ho latela sekgahla sa 0.25% hodima phetiso ya disekhurithi tse lenaneng la disekhurithi le tse seng lenaneng. Disekhurithi di kentse diabo ka hara dikhampani kapa kgahleho ya ditho ka hara dikoporasi tse kwetsweng.

## Levi ya Ntshetsopele ya Boitsebelo (SDL)

SDL e leshwa ke beng ba mesebetsi ka sekgahla sa 1% sa moputso kaofela o leshwang basebetsi. Beng ba mesebetsi ba lefang meputso e sa feteng R500 000 selemo ka seng ha ba angwe ke taba ya ho lefa SDL.

## Dikabelo tsa Inshoreense ya ho se sebetse

Dikabelo tsa inshoreense ya ho se sebetse di leshwa kgwedi ka nngwe ke beng ba mesebetsi, ho itshetlehlwe hodima kabelo ya 1% ke beng ba mesebetsi le 1% ka basebetsi, sena se itshetlehile hodima moputso wa mosebetsi ka tlasa bokaalo bo itseng.

Beng ba mesebetsi ba sa ingodisetsang PAYE kapa SDL ba tlameha ho lefa dikabelo ho Khomeshenara ya Inshoreense ya ho se sebetse.

## DIKGAHLA TSA TSWALA TSA SARS


Sekgahla sa tswala (ho tloha ka la 1 Tshitwe 2025)	Sekgahla
Melemo ya mosebetsing — kadimo e sa lefsweng tswala kapa kadimo ya tswala e tlase ka ranta (sekgahla sa semmuso)	7.75% ka selemo
Dikgahla tsa tswala (ho tloha ka la 1 Tihakubele 2026)	Sekgahla
Lekgetho le morao ho nako kapa tefo ya lona e sa fellang	10.25% ka selemo
Pusetso ya ho leshwa ho fetang tekanyo ha lekgetho la nakwana	6.25% ka selemo
Pusetso ya lekgetho ka mora katleho ya boipiletso kapa moo boipiletso bo ileng ba ananelwa ke SARS	10.25% ka selemo
Pusetso ya VAT ka mora nako e behilweng	10.25% ka selemo
Tefo ya VAT e morao ho nako	10.25% ka selemo
Bolaodi ba Meedi le Dihlahiswa tsa Naha	10.25% ka selemo

## Dintlhakgolo tsa Tekanyetso

Brakete ya Lekgetho la Lekeno la Batho ka Bomong mmoho le ditlhophisobotjha tsa dinyehlisetso ho thusa batho ka kgahlamelo ya infleishene.



Ho nyollwa ha tekanyetso ya boingodso bo tlamang ba VAT ho ya ho **R2.3 million**




Ho nyollwa ha Dikabelo tsa Poloko tse sa Lefisweng Lekgetho ho ya ho **R46 000** ka selemo



Nyoloho ya **3.4%** hodima dikgafa tsa dihlahiswa tsa naha tsa dino tsa tahi le dihlahiswa tsa kwae.



Levi ya kakaretso ya mafura e nyoloha ka **9 cents** litara ka nngwe mme ho disele ka **8 cents** litara ka nngwe.



Keketseho ya Levi ya Letlole la Dikotsi tsa Mebileng hodima mafura le disele ka **7 cents** litara ka nngwe.



Nyoloho ya Lekgetho la Khabone hodima Mafura ka **5 cents** litara ka nngwe ya mafura, mmoho le ka **6 cents** litara ka nngwe bakeng sa disele.



Ho tla ba le dipuisano tse ding mabapi le ho kembola onlaeneng ka 2026.

